

fam nequit in ea certo & determinate cognoscere, quod in ea certo & determinate non est; sed in humana voluntate, etiam stante complexione & circumstantiis, adhuc certo, & determinate non est consensus, vel dissensus, sed indifferentia ad utrumlibet; ergo &c.

Secundo, ut docet Molina in sua *Cogēda dispu. 50. §. Quare*, Deus comprehēdit voluntatem suam, pro priori ad exercitum suorum decretorum existentiam; non cognoscit in ea determinate, quid decretura sit, alias non libera, sed necessario decerneret; ergo, est supercomprehēdit voluntatem creatam, in ea, priusquam aliquid eligat, non cognoscit determinate, quid electura sit, alias non libere eligeret, si antequam eligeret, esset determinata, & non indifferens.

Immo, cum non possit Deus supercomprehēdit certo cognoscere, quid in tali circumstantia electura esset voluntas humana, quin cognosceret etiam, quid in ea decretura esset ipse, quia electio humana essentialiter dependet etiam a decreto Dei, sequeretur, quod cognosceret etiam quid factura esset sua voluntas; priusquam actu decerneret, & proinde rueret non solum libertas creata, sed & divina in suis principijs.

S. II.

Fundamenta Molina.

V. Primum fundamentum petere conatur Molina ex D.Th. qui 1. contra Gen. c. 67. ratione 3. ait: *sicut ex causa necessaria sequitur effectus certitudinaliter: ita ex causa contingenti completa, si non impediatur*. Ergo sicut in causa necessaria certo cognoscitur effectus necessarius, ita in causa contingenti completa, & non impedita certo cognoscitur effectus contingens; ac proinde etiam in libero arbitrio non impedito certo cognoscitur actus liberos futuros.

Resp. P. Molinam debuisse advertere, ut bene advertit Ferrarientis ibi. S. Doctorem non loqui de causa libera, sed causa naturali, quæ cum possit impediri a suo effectu ab alia causa, ut arbor, quæ potest impediri a ferendo fructu, & de facto interdum impeditur, ideo adnumeratur a D. Thoma inter causas contingentes. Et de hac bene addit S. Doct. quod cum Deus cognoscit omnia... *scit non solum causas contingentium, sed etiam ea, quibus possunt impediri: scilicet igitur per certitudinem, ac contingentia sunt, vel non sunt; quia cum ex sua natura arbor sit determinata ad ferendos fructus, cognitio, quod a nulla causa impediret, certo cognoscitur fructus ex ea produci. Sed quid hinc pro libero arbitrio? Nunquid est naturaliter determinatum; puta ad amandum, ut si cognoscatur, a nulla causa fore impediendum, certo cognosci possit, amorem ex illo produrum; an non potius, cito non impeditur, manet semper indifferens ad amandum, vel non amandum? exemplum ergo ad rem non est.*

VI. Secundum fundamentum tale est. Omnis supercomprehēdit voluntatem creatam cognoscit omnes ejus determinaciones; ergo cognoscit, quid factura sit.

Respondetur, dist. antec. ejus determinaciones ut possibiles, vel ad summum, ut futuras, conjecturaliter, & probabiliter conc. antec. ut certo, & infallibiliter futuras, nego antec. Deus ergo supercomprehēdit humanum arbitrium, & omnem ejus inclinationem, solum cognoscere potest in eo determinaciones liberas eo modo, quo in eo sunt. Cum autem in eo, priusquam actu se determinet, non sint determinaciones, nisi ut possibiles, vel attempta inclinatione ejus, ad summum probabiliter future, quia quacumque inclinatione supposita manet semper in actu primo liberum, & plane indifferens ad agendum, vel non agendum; ideo Deus in eo neque ex vi supercomprehēdit cognoscere potest, quid certo actu suum sit, sed quid possit agere, vel ad summum quid probabiliter agere, & sic cognitionem solum conjecturalem habere, ut superius advertimus cum D. Th.

Neque, ex quo Deus supercomprehēdit liberum arbitrium, evincit potest oppositum. Nam supercomprehēdit dicit quidem plus quam comprehēdit ex parte cognoscētis, nimirum quod supercomprehēdit perfectiori modo, & majori forte claritate cognoscat, quam pure comprehendens; non tamen quod supercomprehēdit videat in objecto aliquid, quod non videat comprehendens, & maxime, si in objecto non contineatur. Immo cum supercomprehēdit perfectius videat objectum, non potest videre in illo, ut determinate futurum, quod determinate futurum non est, alias falleretur, videret enim illud aliter ac revera est.

VII. Tertium fundamentum est tale. Ex causa omnino indifferente oriri potest effectus determinatus liber; ergo & potest in ea cognosci, antequam existat. Antecedens prob. Non minus opponitur causa infallibiliter determinata effectui contingenti, quam effectus determinatus cause indifferenti; sed, ut dicemus, ex causa infallibiliter determinata a Deo oritur effectus contingens; ergo ex causa omnino indifferente potest oriri effectus determinatus.

Respondetur, negando antec. quod retorquo in Adversarios. Nam juxta illos ex causa determinata etiam a Deo non potest oriri effectus contingens, & liber, unde dicunt, quod si voluntas efficaciter determinaretur a Deo, actus illius non essent contingens, & liberi; & Molina, docet, quod si voluntas divina pro priori ad decreta esset determinata, decreta Dei non essent amplius libera, ut superius notavimus: Ergo similiter ab opposito ex causa prolix indifferenti non potest oriri effectus determinatus.

Resp. ergo, tollendoquivocationem a minori, eam distinguatur effectus contingens, qui ita fit, ut absolute possit non

esse, conc. min. qui nec sit, nec non sit, sed sit prolixus sit differens ad esse, vel non esse, nego min. Cum ergo dicimus, quod a voluntate determinata a Deo oritur actus contingens, & liber, non intendimus, quod oritur actus contingens, & liber, libertate actus primi, quasi indeterminatus in actu secundo ad esse, vel non esse; Sed dicimus, quod sicut voluntas determinata a Deo ita libere agit in actu secundo, ut possit absolute non agere, ita actus ejus ita infallibiliter est, ut contingenter, & libere ponatur, quæ illo, dum est, non potest non esse, absolute tamen potest non esse. Et sic volumus, quod ex causa libera in actu secundo possit oriri actus liber libertate actus secundi. At contrarii veritate, quod ex causa indifferenti in actu primo, nec determinate contingenter effectum, oriretur effectus in actu secundo determinatus, quod impossibile judicamus.

D U B I U M IV.

An Deo certo sciat futura absoluta libera in eorum voluntate objectiva pro priori ad decretum?

S. I.

Resolutio negativa.

IN sententiam affirmativam propendunt recentiores ex societate, hac in parte Molina rejecto. Ego tamen cum discipulis D. Thomæ, immo cum veteribus Scottis, ut videre est apud Fraſſen.

I. Dico. Deus non cognoscit certo, & infallibiliter futura absoluta contingenti libera immediate in seipsis, seu in eorum veritate objectiva, antequam ad decretum Dei ab intrinſeco efficiat. Probatur primo ex dictis supra. Nulla veritas creata potest per se immediate determinare, & movere intellectum divinum ad sui cognitionem, alias esset objectum primum, vel motivum, vel terminativum divine cognitionis, & consequenter specificativum, sed si Deus cognosceret futura &c. immediate in eorum veritate objectiva, jam futura ratione suæ veritatis immediate, & per se moverent, ac determinarent divinum intellectum ad sui cognitionem, non enim moverent ratione Divine Essentiæ, vel Omnipotentis, que non supponitur determinata, sed indifferens, nec ratione decreti, quod non supponitur adhuc existens, nec futurum; ergo moverentur, ac determinarent immediate divinum intellectum, cumque moverentur ratione suæ veritatis objectivæ creatæ.

Quod ostendo magis. Nam Deus in opposita sententia id cognosceret futura, quia sunt; ergo veritas objectiva futurorum objectivæ esset causa, vel motivum determinans ad eorum cognitionem.

II. Prob. secundo ratione speciali de futuris. Ut Deus cognosceret certo liberum consensum Petri, ut in se futurum, independentem ab omni decreto suo, necesse foret, ut consensus Petri esset in se ipso futurus independentem ab omni decreto, & presciscendo divino; sed consensus Petri non est in se ipso certo futurus independentem ab omni presciscendo ergo &c. Major patet, alias illa consensus, seculo divino decreto situate ejus existentiam, solum exprimit sua predica intrinſeca conaturalia, & essentialia; sed illa non determinat ipsam potius ad esse futurum, quam non futurum, alias futuritas, & existentia esset necessaria illi, & non libera; ergo &c.

III. Constans, primo. In tantum Deus cognoscit liberum consensum Petri in se ipso futurum, seculo divino decreto, & quia consensus Petri, seculo divino decreto, talem, cognoscibilitatem in se haberet, sed esse, seculo decreto, consensus Petri in se ipso habet cognoscibilitatem suæ possibilitatis seu non repugnantia ad esse, non tamen habet cognoscibilitatem suæ futuritatis; ergo &c. Min. prob. Tum quia, seculo divino decreto, eam solum cognoscibilitatem habet in se, quæ ad ejus entitatem, seculo omni extrinſeco, consequitur; ad entitatem autem consensus secundum se solum sequitur cognoscibilitatem suæ possibilitatis, non vero suæ futuritatis; non enim ex sua entitate se ipso futurus est. Tum quia futuritudo est predicatum adæquate extrinſecum, ut dicemus; ergo non potest haberi veritas futuri independentem ab omni extrinſeco. Tum denique, quia cognoscibilitas futuri est cognoscibilitas rei determinate ad esse; sed ab ipsa entitate consensus, seculo omni extrinſeco, non potest haberi cognoscibilitas determinata ad esse; ergo &c. Min. prob. Nam ab indifferente ad esse, vel non esse, ut tali, seculo omni extrinſeco, haberi non potest cognoscibilitas determinata ad esse; sed entitas consensus secundum se est indifferens ad esse, vel non esse; ergo &c.

IV. Dico, quod esse entitas consensus absolute non fundat veritatem determinatam futuritatis, illam tamen fundat ex suppositione, quod fit futura.

Sed contra. Ergo consensus Petri solum ex suppositione suæ futuritatis fundat veritatem, quia cognoscitur potest, ut futurus; sed pro priori ad divinum decretum nulla fieri potest suppositio futuritatis ante causam ejusdem, sed causam omnis futuritatis est divina voluntas seu decretum; ablatio enim Decreto Dei de existentia consensus, nil remaneat nisi entitas consensus, in qua, utpote indifferente ad fore, suppositio determinata futuritatis fundari nequit; ergo &c.

V. Dico, suppositionem attendi ex fido. Ex quo enim D. Petrus agit poenitentiam, verum fuit toto tempore antec. quod ejus poenitentia fuit futura.

Sed urgeo rursus. Atte decretum divinum nulla est via distinguendi factum, quia, ut dicemus, divinum decretum est causa,

causa, & facti, & futuritatis; ergo ante divinum decretum non potest fieri suppositio futuritatis ex fido.

VI. Confirmatur secundo hætenus dicta. Veritas objectiva hujus propositionis consensus est futurus consistit in connexionepredicati cum subiecto, nempe consensus cum futuritione, seu cum existentia habenda; sed in signo antecedente divinum decretum nulla potest esse connexio consensus cum futuritione, quippe cum nulla sit causa, neque divina, neque creata, quæ illa invicem conjungat; non quidem creata, quia creata voluntas pro illo signo supponitur indifferens, nec potest jure concipi determinata ante determinationem divinam; non etiam divina, quia hæc esset, vel Divinus Intellectus, vel Divina Omnipotentia; sed nec Intellectus, nec Omnipotentia quidquam agunt circa determinatam rerum existentiam etiam habendam, nisi consequenter ad divinum decretum; ergo &c.

VII. Ex hætenus dictis relinquatur, quod supposito ista futuritionis ex eventu, & ex fido, quam Adversarii adeo magnificant, vel non subsistit: quomodo enim fieri potest suppositio certa, futurum esse eventum rei penitus contingentis, nulla supposita causa, neque creata, neque increata eam ad eventum ordinantem? Vel quod si subsistit, eventus ille futurus sit necessarius, & non contingenter, aut liber. Quod sic ostendo. Nam supposito illa de consensu futuro Petri, si fieri potest ante omne decretum, & suppositionem liberam, fieri poterit pro omni signo, etiam pro signo possibilitatis, & pro signo antecedente productionem Verbi; quod enim non dependet a predicato libero Dei, ut habet esse determinatum, non est ratio, cur illud habeat in uno signo, & non in alio; ergo in signo possibilitatis rerum, & pro signo antecedente productionem Verbi futurus erit eventus consensus Petri, & verum erit Petrus consentit, quia etiam pro præfatis signis formari poterunt propositiones contradictorie Petrus consentit, Petrus non consentit, quarum una apud Contrarios debet esse determinate vera; sed hoc semel dato, consensus ille esset futurus necessario, quia quod futurum est pro signo antevetentibus omne exercitium liberum, futurum est ex causis necessariis, & consequenter necessario.

VIII. Nec juvat recurrere ad decretum indifferens, quod concipitur esse in signo posteriori ad productionem Verbi, & possibilitatem creaturam.

Nam in primis juxta principia Adversariorum decretum indifferens supponit consensus Petri, saltem sub conditione futurum; ergo illud non facit. Deinde decretum illud, eo non futuritionem futuritatem, sed non futuritionem veritatis de consensu futuro; ergo in signo hujus decreti non potest concipi ut primo incipiens veritas illa potius, quam in præcedentibus: quod enim ex natura sua indifferens est ad consensum, non potest dare consensus futuritionem potius, quam non futuritionem; ergo vel in signo hujus decreti nondum intelligitur veritas determinata consensus futuri, vel est determinata ex natura sua.

S. II.

Solvuntur argumenta.

IX. Arguunt primo. Hæc propositio Petrus consentit ex suppositione, quod consentit, est ab æterno infallibiliter vera independentem a quocumque decreto Dei intrinſeco efficaci; ergo independentem ab eo poterit cognosci. Antec. probatur primo ex D. Augustino lib. 26. cont. Faustum cap. 4. dicente: *tam non possunt futura non fieri, quam non fuisse facta præterita*. Secundo ex D. Anselmo lib. de concordia præfatiæ, c. 2. ubi ait: *rem vero futuram necesse est esse futuram, quoniam futurum esse nequit, & non futurum*. Tertio omnis propositio de futuro contingenti regulariter per suam de inesse, & illa, que habet in tempore suam de inesse veram, oportet, ut sit ab æterno vera seculo quocumque; ergo si in tempore aliquando verum est, Petrus consentit, debet fieri supposito, quod ab æterno verum sit, Petrus consentit.

X. Respondet, negando suppositum antecedentis, nempe, quod, præfatis decreto Dei ab intrinſeco efficaci, fieri possit supposito certa, quod Petrus consentit; præfatis enim decreto, Petrus concipitur indifferens ad consensum, vel non consensum; nec determinate affirmari potest de eo potius consensus, quam dissensus. Hinc pronuntians istam propositionem, Petrus erat consentit, vel attendit consensum, præfatis decreto de ejus existentia creatura, vel illum attendit, supponendo divinum decretum. Si primum, propositio erit falsa, quia incertum, ut certum, pronuntiatur: consensus enim Petri, præfatis divino decreto, est profusus indifferens ad esse, vel non esse eras. Si vero secundum, erit vera propositio, & suppositio, quia suppositum decretum, a quo unice suppositio futuritionis dependet.

Quapropter D. Augustinus loco ab arguente relato: *si mihi (inquit) dicitur, posse fieri, ut caro, verbi gratia, hujus, vel illius hominis in corpus castiæ muretur, concedo, fieri posse. Sed utrum futurum sit, nescio, & ideo nescio, quia, quid habeat de hoc re Dei voluntas, mo laetor, illud me tamen non laetor, sine dubio futurum, si hoc Dei voluntas habet*. En quoniam infallibiliter in sui Patrocinio Adversarii vocant Augustinum; dum ergo ait: *eam non possunt futura non fieri, quam non fuisse facta præterita*: loquitur, supposito Dei voluntate, tam de futuritione, quam de præteritione, unde statim subdit: *quoniam non est in Dei voluntate, ut eo sit aliquid falsum, quo verum est.*

Nec magis feliciter advocat Anselmum, dicit enim, *rem futuram necesse est esse futuram*; quia Deus præfatis, eam esse futuram, præfatis supponente voluntate, qua præfatis, aliqua fieri sine necessitate, ut ea, qua a voluntate libera faciendi sunt; & eo modo fiant, quod præfatis fieri: & hoc modo conciliat liberum arbitrium cum præfatis.

Ad tertium vero concedo totum. Sed ut fiat suppositio, quod hæc de inesse, Petrus consentit, aliquando sit, vera, & ut ab æterno sit vera hæc, Petrus consentit; debet recurrere ad aliquod liberum ab æterno existens, quo subiectum indifferens connectatur cum predicato, alias propositio illa, vel erit falsa, vel necessaria, ut ostensum est: nec enim, esse verum ex eventu, est petere principium: dicit quæ dubitamus de eventu, ac de futuritione eventus.

XI. Secundo arguitur. Pro priori ad decretum divinum hæc duæ propositiones de futuro contingente Petrus consentit, Petrus non consentit sunt vere contradictorie; sed ex contradictionis una debet esse vera, & altera falsa; ergo pro priori ad decretum divinum futura libera habent suam veritatem objectivam, & consequenter sunt certo cognoscibilia.

Confirmat. Hæc disjunctiva, Petrus consentit, vel non consentit est necessario vera pro omni signo; ergo aliqua pars pro quocumque signo est determinate vera: quia veritas propositionis disjunctivæ requirit veritatem unius partis.

XII. Resp. petendo ab Adversariis, an præfatis duæ propositiones sint vere contradictorie, & una illarum determinate vera, altera falsa pro omni signo, etiam possibilitatis, & antecedente productionem verbi Divini, & determinationem cuiuscumque liberi? Si affirmant: ergo una illarum erit necessario vera, altera necessario falsa. Si negent: ergo fiat quod pro aliquo signo dentur contradictorie, quarum neutra sit determinate falsa.

XIII. Observo igitur, quod propositiones contradictorie de futuro possunt fieri, vel in materia necessaria, vel in materia contingente. Si sint in materia necessaria, quam habeant pro fundamento suæ veritatis intrinſecam, & necessariam connexionem prædicati cum subiecto, ideo ab intrinſeco, & pro omni signo una est determinate vera, altera determinate falsa. Si vero sint in materia contingente, cum nulla addit ab intrinſeco determinata connexio inter subiectum, & predicatum; sed solum contingens, ab intrinſeco, & absolute nulla ex eis determinatam habet veritatem, vel falsitatem; sed eam accipit per ordinem, & connotationem ad divinum decretum, & quo una ex eis accipit determinatam futuritionem, vel non futuritionem, & ideoque in signo priori ad illud neutra habet determinatam futuritionem, vel non futuritionem. Et hæc est doctrina D. Thomæ in 1. Perimion. lect. 13. his verbis: *In præteritis, & præfatis necesse est, quod aliter oppositarum determinate sit vera, aliter falsa, in quacumque materia. Sed in singularibus, qua sunt de futuro, hoc non est necesse, quod una determinate sit vera, & altera falsa. Et hoc quidem dicitur quantum ad materiam contingentem*. Idem docet in 1. dist. 18. q. 1. art. 5. ad 2. c. q. 16. de malo art. 7. ubi ait: *ea, qua sunt ad utrumlibet, non possunt præcognosci in suis causis determinate, sed solum distinctione, utpote quia erant, vel non erant: Sic enim habent veritatem*.

XIV. Quare in forma respondeo, negando absolute minorem de contradictories de futuro contingente, quæ sunt præfata, Petrus consentit, Petrus non consentit. Neque lex contradictionis est, quod pro omni signo una contradictoria de futuro contingenti sit determinate vera, altera falsa, sed vagæ & indeterminate, idest, si una est vera, altera sit falsa. Quod ergo una sit determinate vera, altera falsa unice provenit ex determinatione cause libere, quæ si ponit effectum, propositio illum affirmans est determinate vera, negans vero falsa.

Et in hoc, ut superius observavi, nobiscum convenire debent Adversarii, cum hoc tamen discrimine: quod illi ad ponendum effectum solum requirunt determinationem cause secundæ, decreto Dei indifferente instructæ, quodam effectu ab ea libere causatur: unde juxta eorum principia veritas determinata propositionis affirmativæ de consensu incipit a signo, quo Deus decrevit dare illi auxilium cum prævisione, quod Petrus sub eo consentit. Nos vero prius requirimus determinationem cause primæ, a qua oritur determinatio causa secundæ libere, & in signo, quod intelligitur determinatio creaturæ, & ejus effectus: & propositio illum affirmans est determinate vera, & negans falsa.

XV. Ad confirm. nego consequ. Nam ex eo, quod propositio disjunctiva ex duabus consensans contradictories fit pro omni signo necessario vera, non sequitur, alteram eorum esse pro omni signo determinate veram, sicut ex eo, quod disjunctiva fit pro omni signo necessaria, non sequitur, aliquam partem esse determinate necessariam. Et ratio est, quia ut disjunctiva pro omni signo fit vera, sufficit, quod utraque pars sit incompossibilis: quod ratione contradictionis necessario verum est, ut patet in ista, Petrus est albus, vel non albus, impossibile enim est, quod Petrus simul sit albus, & non albus. At veritas determinata unius partis per aliam pendet, & accidit ei ex aliquo contingente, vel libero, nempe ex determinatione cause. Quod nedum nos, sed & Adversarii fatent coguntur ut ostendimus.

Cætera argumenta, quæ petuntur ex impugnatione decreti efficaciis Dei, proponuntur, & solventur nescium in sequenti dubio, sed ulterius quæst. sequenti, & in tractatu de voluntate.

D u.

